



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Ecclesiæ B. Mariæ à Vallicella à fundamentis instauratio.

urn:nbn:de:hbz:466:1-43172

*Ecclesiæ B. Maria à Vallicella à fundamen-
tis instauratio.*

Verùm cum angustum esset tē-
plum, vetustateq; ruinosum, vi-
sum est Patribus, quòd erat in loco
optimo, Urbisque commodissimo,
& ad Cōgregationis functiones val-
de idoneo, vtcunq; restaurandum;
neque enim nouum, etsi id maxi-
mè cupiebant, priuatæ rei angu-
stis impediti condere poterant.
Ergo ea in deliberatione cum es-
sent, eorum piis optatis, votisque
respondit diuina benignitas: vix e-
nim operi manus admoueri cœptæ
sunt, cum Philippus solius Dei fidu-
cia armatus (pecunia enim Patri-
bus vel nulla erat, vel certe admo-
dum tenuis) de eo primùm fundi-
tus euertendo, ac deinde amplio-
re, augustioreq; forma à fundamen-
tis extruendo cogitare occœpit: ne-
que hîc stetit res, quod enim faciun-
dum cogitabat, id confestim de

diuina

diuina prouidentia securus ad effectum perducere statuit: ea enim ille in omni vita sua nixus nihil arduū, nihilq? nimis amplum ducens, immensa quadam magnitudine animi maxima quæque aggredi non verebatur.

Interea ruinosa Ecclesia, Philippo iubente, solo æquata, Matthæus Castellanus nobilis nostro sæculo Architectus mense septembri accersitur, qui omnibus diligentissime circumspectis iam construendi ædificij latitudinem signabat, cum Germanicus Fidelis Philippum eade re certiozem fecit, qui illico sacerdoti iubet (quippe qui paratus erat ad sacrificium) ne quicquam priusquam eò ipse accederet, decerneretur: absoluto sacrificio re-ctà ad locum contendit: ibi Matthæum comperit, qui cum eã partē, in qua iudicio suo effodienda forent fundamenta, designaret, eius ille sententiam non approbavit;

quippe

quippe qui ultra producendum esse ædificium diceret: cumque ventum esset ad locum, quem illi indicauerat Deus; hic fodiatur, ait, hic iaciantur fundamenta: quod cum ageretur, ecce tibi solidus paries peruetustus, qui sub ruderibus latebar, palàm fit. Erat is ad decem palmos latus, totque pedes longus, ut constructi iam ædificij molem non expleat modo, verum excedat etiam; super quo pariete quod reliquum erat operis dextri lateris Ecclesiæ extructum fuit; pro alterius verò structura fundamenta iacere opus fuit, in quibus cum primus de more esset ponendus lapis, maxima cæremonia, & frequentia gesta res est: porrò primum hunc lapidem ritu solemniter consecratum in fundamenta coniecit Alexander Medices Florentiæ Archiepiscopus, cui Congregatiō nostra plurimum debet, nūc S. R. E. in Titulo S. Marię Trāstyberim presbyter Cardinalis.

Cum

Cum templum extrueretur, nunquam Patribus argentum defuit, neque ad satisfaciendum fabricis, aliisque operarijs, neque ad domos contiguas coemendas: in ædificium sumptus amplissimi, ac quotidiani fiebant: eius pecuniæ summa (demptis nummis, quos Petrus Donatus Cæsius Cardinalis, ut suo loco dicturi sumus, fabricæ attribuit) pergrandis ad septuaginta circiter aureorum millia.

Feruebat opus optimi Principis, ac nonnullorum ciuium beneficio, quorum tantus fuit erga Beatum Patrem amor, tantaque in Deum pietas, ut rem vltro eleemosynis adiuuerint: Gregorius in primis spontanea liberalitate ad septem millia aureorum in id ædificium insumpsit: ergo templi ædificatio nunquam intermissa, cum nunquam Patribus pecunia deesset, Deo illam semper abundè suppeditante. Breui tempore, nempe intra bienniū, vel circiter, in

ter, in

ter, in eam prope qua hodie cernitur, formam. & amplitudinem, opere, sumptuq; magnificam felicissime creuit; Templumq; Sanctissimæ Virginis, & Beati Gregorij Papæ nomine dicatur Deo.

Hic non prætermittam quæ in huiusce sacræ ædis extruptione acciderunt Patribus. Quidam ex vicinis cum ferre non possent nostros apud eos Ecclesiã construere, a dæmone instigante ita furere cœperunt, ut simul Ioannem Antonium Lucium sacerdotem fabricæ præfectum, simul fenestras templi lapidibus, ac balistis petere ausi sint; sed Deo sacerdotem protegente, nihil ex his mali Lucius passus est, quam ille rem Beati Patris orationibus acceptam referebat.

Fratres aliquot, quorum nomina consultò reticeo, cum ædificationem Ecclesiæ impedire niterentur, intra duos annos, Philippo silente, ac pro eis diu orante, molestiæ pœnas de-

a
Consimilia
in constructione
Ecclesiarum,
vel Cœnobiorum
sancti Viri
passi leguntur.
Lege
Metaphrasin
in Pachomio
apud Sur.
tom. 3. c. 65.
Vitam S.
Deodati Episcopi
apud eundem
tom. eod. c.
5. S. Bernardum
in
Malachia
c. 41.

nas de-

nas dedere: mortui enim sūt omnes diuinum agnoscentes iudicium, ne vno quidem ex eis ad sobolem propagandam relicto.

Præter hos alij etiam Patribus molestias addidere: sed cum, vt in sacris codicibus legimus, diligentibus Deum omnia cooperentur in bonum, tantum abest vt hominum iniuria Patribus obfuerit, vt maximè profuerit.

*Lauinia Philippi spiritualis filia Fabricij
Maximi uxoris obitus.*

HOc eodem anno, Octobri mēse, vocauit Deus ad præmium Lauiniam primariam feminam, de qua non ab re erit (vt quæ Philippo ad confessiones utebatur) aliquid in hanc historiam referre: ea itaque etsi hominem initio irridebat, tamen vbi de diuinis rebus differentem audiuit, adeo Dei colendi desiderio incendi se sensit, vt ipso magistro ad eum venerit vitæ itatum,

vt se